

NAHITAEZKO MUGIKORTASUNA ARAUTZEKO JARRAIBIDEAK, ESKUALDEKO LANPOSTUETARA BEHIN BETIKOZ ATXIKIRIKO MAISU-MAISTREN KIDEGOKO FUNTZIONARIOEI DAGOZKIENAK

Giza Baliabideen Zerbitzuko zuzendariaren martxoaren 17ko 519/2011 Ebazpenean ezarritakoaren arabera, 2020-2021 ikasturterako eskualdean behin betiko destinoa duten Entzumeneko eta Hezkuntzako irakasleen eta egoera ahulean dauden ikasleei laguntzeko Programako irakasleen mugikortasun orokorra egin beharra dago.

Lau ikasturtean behin, ikasturtea hasi baino lehen, nahitaezko ekitaldi orokor bat eginen da, zeinean destinoa eskualdean duten irakasle guztiek hautatu beharko dituzten eskualdeko ikastetxea edo ikastetxeak (lanpostu ibiltarien kasuan), betiere programa bakoitzeko irakasle espezialistak behar badituzte.

Ebazpenak aipatzen duen azken nahitaezko mugikortasuna 2016-2017 ikasturtea hasi aurretik egin zen, hortaz, 2020-2021 ikasturterako egin beharra dago berriro.

NORK HARTUKO DUEN PARTE AUKERATZEKO EKITALDIAN

Mugikortasun honetan parte hartu beharko dute eskualdean behin betiko destinoa duten irakasle guztiek, eskualdeko destinoa ikasturte honetako lekualdatze-lehiaketan lortu duten horiek barne.

Aukeratzeko ekitaldirako, parte-hartzaileak eskualdeka elkartuko dira, 2020ko irailaren 1ean izanen duten behin betiko destinoaren arabera.

AUKERATZEKO HURRENKERA EZARTZEKO IRIZPIDEAK

Eskualdean behin betiko destinoa duten Entzumeneko eta Hezkuntzako irakasleek eta egoera ahulean dauden ikasleei laguntzeko Programako irakasleek, hala funtzionarioek nola lan-kontratudun finkoek, aukeratu beharko dute kontuan hartuz zein hizkuntzatan lortu zuten lanpostua lekualdatze-lehiaketan eta martxoaren 17ko 519/2011 Ebazpenari jarraikiz:

- Antzintasuna, eskualdea, espezialitatea edo programa behin betiko destinoa izanik duen atxikipenean; borondatezko eszedentziako denbora ez da zenbatuko.
- Antzintasuna behin betiko destinoa duen atxikipenean, borondatezko eszedentziaren denbora zenbatu gabe, dagokion espezialitate edo programan, Nafarroako Foru Komunitateko ikastetxeak banatzen diren eskualdeetako edozeinetan.
- Maisu-maistren Kidegoko funtzionario gisa duten antzintasuna. Abenduaren 30eko 31/1991 Legearen 29. xedapen gehigarriaren arabera kidegoan sarturiko langileen kasuan, Maisu-maistren Kidegoan karrerako funtzionario gisa duten antzintasunari lan-kontratudun finko gisa egiaztatuta dutena gehituko zaio, lehenengo zerbitzu urtea kenduta.

Profil eleaniztuneko lanpostuetan behin betiko destinoa duten maisu-maistra funtzionario dauden eremuetan, lehenik eta nahitaez hautatu beharko dituzte eremu horretako eta eskakizun horretako lanpostuak.

Behin hautaketa eginda, hizkuntza eskakizuna duten lanpostuak hutsik geldituz gero, eskakizuna egiaztatu duten gainerako izangaiei eskainiko zaizkie.

PROZEDURA ETA LANPOSTUAK HAUTATZEA

Maiatzaren 11n

- Eskualde bakoitzari atxikitako irakasleen behin-behineko zerrenda argitaratuko da, aukeratzeko jarraitu beharko duten hurrenkeran antolatua 519/2011 Ebazpenean ezarritakoaren arabera.

Maiatzaren 12, 13 eta 14an

- Eskualde bakoitzari atxikitako irakasleen behin-behineko zerrendari buruzko erreklamazioak aurkezteko epea.

Eskaerak, nahitaez, Erregistro Orokor Elektronikoaren bidez aurkeztuko dira. Tramitazioa gaituko da webguneko fitxan.

Maiatzaren 22an

- Eskualde bakoitzari atxikitako irakasleen behin betiko zerrendak, aukeratzeko duten hurrenkeran.

Ekaineko lehen astean

- Lanpostuak hautatzeko ekitaldiaren data eta ordu-banaketa argitaratuko dira Hezkuntza Departamentuko ekitaldi-aretoan.
- Eskainitako lanpostuak. Lanpostu hauek alda daitezke. Aldatzen badira, horren berri emanen da aukeratzeko ekitaldia egin baino lehenago edo ekitaldian berean, destinoen esleipenari eragiten badio.

LANPOSTUAK HAUTATZEA ETA MUGIKORTASUNA EBAZTEA

Deituriko irakasleek eskualde bakoitzerako ezarritako hurrenkeran aukeratu beharko dute.

Eskualdean deituriko irakasleak baino lanpostu gutxiago egonez gero, irakasleek, bakoitzak lanpostua aukeratzeko duen hurrenkeran, lanpostua hartzeari uko egiten ahalko diote, aukeratzaille adina lanpostu eskaini arte. Arrazoi hori dela-eta, beren eskualdean lanposturik aukeratzeko ez duten pertsonak irakaslanik ez izateagatik ikastetxetik aldarazi dituztenen zerrendan sartuko dira gainerako irakasle funtzionarioen destinoak esleitzeko eginen diren ekitaldietarako.

Lanpostuak aukeratzeko ekitaldira joaterik ez duenak beste norbaiti eman beharko dio baimena bere ordeztu dadin. Horretarako, web fitxan argitaratu den dokumentazioa bete beharko du.

Espezialitate eta hizkuntza bakoitzean deitutako funtzionario eta lan-kontratadun langile finkoek beren espezialitatean eta hizkuntzan eskainitako lanpostu hutsen artetik lanpostuak eskatzen ahalko dituzte (beste espezialitate batekin ordutegia osatzen duten lanpostuak barne). Bestalde, beren espezialitate eta hizkuntzan berariazko eskakizunekin eskaintzen diren lanpostuak ere hautatzen ahalko dituzte, betiere haietarako egiaztapena edukiz gero.

Baten bat ez bada lanpostuak aukeratzeko ekitaldira agertzen, Hezkuntza Departamentuko Aldi Baterako Langileak Kudeatzeko Zerbitzua haren eskualdean hutsik gelditzen diren lanpostuetako bat esleituko dio ofizioz.

Lanaldi partzialeko lanpostuak eskainiko dira, eta horietako bat aukeratzeko ahalko da, baldin eta langileak dagokion lanaldi-murrizketa eskatzeko konpromisoa hartzen badu, non eta ez den 58 urtetik gorakoa, taula honetan jasotakoaren arabera:

	Lan ordutegia. Lanaldia								
Laburtzea	2/3	1/2	%45	2/5	1/3	1/4	1/6	1/8	> 58 urte
Lanpostuaren lanaldia (orduak)	9	13	14	15	16	18	21	22	18

Iruñean, 2020ko maiatzaren 11n.

ALDI BATERAKO LANGILEAK KUDEATZEKO ZERBITZUKO ZUZENDARIA

Isidra Roldán Arróniz